

Хулд-гүүлгәнә кӧдлмшт оньган ӧгхми

КПСС-н ЦК-н болн СССР-н Министрмүдин Советин 1956 джилин мартин 1-шинд „Олн-әмтид хот-хол хулдлгъиг улм цааранднь ясрулхин тускар“ гаргъсн тогтавр болн СССР-н хулд-гүүлгә келгънә халхин Министерствин 1957 джилин апрель сард гаргъсн эд-тавр, хот-хоолин үнинь килврдүлхин туск заквриг Черноземельск болн Каспийск райодин потребобществс сулар күцә-джәхнь үзгдджәнә.

Эн хойр райодар эд-тавр болн хот-хол хулдлг магазин болн столовойсин кӧдлмшиг июнь сарин туршар гилтә госторгинспекц шүүвр кедж хәләснд, зӧвәр ик хаджгър гарчасинь темдгләд, дарунь эн хаджгърмудиг чиклх хаалгъинь заав.

Буфетмүдин болн магазин хулдачир эд-таврин болн

хот-хоолин үнинь хаджилгъ-әд, үнтәгъяр хулдад, дуту-дундар чинънүрдәд, олн-әмт мекләд бәәцхәснь илткгдв.

Каспийск районд 6 эләд селәс бәәнә, эдид хот-хол хулдлг хойрхи столов бәәнә, энүнә негнь Каспийскд бәәнә. Эн столов ӧрүн 9 часас авн асхи 8 час күртл кӧдлмшән кенә. Эн заамд хот эс уудж чадхла, дакдж хот олдж уудг газр уга. Кӧдләчирин амрдг ӧдр хот уудг газр уга, столов хаагддж одна.

Черноземельск болн Каспийск райодин столовс әмтид тааста, халун, шимтә хот белдхш, эднә хулдлг хотнь хойр зүсн хот, дакад үнтә. Эд-тавр болн хот-хол килврдүлтхә гисн заавр бәәггә бәәсн бийнь, эд-таврн, хот-хоолан 1955—1956 джилмүдәс нааран үнинь килврдүлсми уга.

Олн-әмтид хулдхми гидж апрель сард Черноземельск райпод 5500 лист шифер ирснәс эн райпо эврәннь бәрджәсн гермүдән 3200 шиферәр бүркчкәд, үлдсн 2300 шифериг ода күртл әмтид хулдл уга, хадгълад бәәдж.

Иим ик элдв хаджгърмуд бәәсн бийнь, Таньгъчин потребсоюз энүг чиклдж, дӧнъ-нӧкд болджасми уга.

Олн-әмт мекләд, эд-тавр болн хот-хоолин үнинь немәд, үнтәгъяр хулдад бәәсн Шишкова А. М., Карелина В. И., Лапина И. М. болн Короткова—эдниг таңгъчин госторгинспекц кӧдлмшәснь сулдхв. Нань чиги хаджгър-буру гаргәд бәәсн хулдачириг чанъгъ шоодврла болн мӧнъгәр ялда харгъулв.

Г. САНГАДЖИЕВ.
Хальмг таньгъчин
госторгинспектор.